



SAKSPAPIR

Saksnr	Utval	Type	Dato
121/2021	Kommunestyret	PS	14.12.2021

Sakshandsamar	Arkiv	ArkivsakID
Åse Elin Myking	FA-M60	21/707

NY AVFALLSFORSKRIFT FOR HUSHALDNINGSAVFALL

Vedlegg:

Forskrift om handtering av hushaldsavfall i Vaksdal kommune

Kommunedirektøren sitt framlegg til vedtak:

Forskrift om handtering av hushaldsavfall i Vaksdal kommune vert vedteke slik den ligg føre.

Kommunestyret - Sak 121/2021

KOM - Behandling:

Ordførar viste til referatsak 105/2021.15, motteke brev frå BIR med melding om at endeleg vedtak må utsetjast. Med bakgrunn i brev samtykka kommunestyret til at saka vart tatt ut av sakslista.

KOM - Tilråding/Vedtak:

Saksopplysningar:

Samandrag/konklusjon (kort om saka)

Forskrift for handtering av hushaldsavfall i Vaksdal kommune skal reviderast. Føremålet med forskrifta er å sikre ei forsvarleg handtering av hushaldsavfallet i samsvar med lovpålagte krav til miljø, helse, tryggleik og god økonomiforvaltning.

Forskrifta skal bidra til å fremje målet til kommunen om å redusere mengda avfall og leggje til rette for betre utnytting av avfall som ressurs, med særleg vekt på gjenvinning, reduksjon av restavfall og sirkulærøkonomi.

Eigarkommunane i BIR utarbeider likelydande forskrifter. Forskrifta vert gjeldande i 2022.

Bakgrunn for saka

Gjeldande avfallsforskrift for Vaksdal kommune vart gjeldande frå 01.03.2014, Forskrift om handtering av avfall frå hushald, Fusa, Kvam, Os, Osterøy, Samnanger, Sund og Vaksdal kommunar, Hordaland jf. <https://lovdata.no/dokument/LTI/forskrift/2013-12-18-1749>

Føremålet med forskrifta er å sikre ei forsvarleg handtering av hushaldsavfallet i samsvar med lovpålagte krav til miljø, helse, tryggleik og god økonomiforvaltning. Ho skal bidra til å realisere dei pliktene som er gjevne kommunen ved lov, og dessutan nå dei måla som kommunen til ei kvar tid har nedfelt i planane sine eller er pålagd av nasjonale styresmakter.

Forskrifta skal bidra til å fremje målet til kommunen om å redusere mengda avfall og leggje tilrette for betre utnytting av avfall som ressurs, med særleg vekt på gjenvinning, reduksjon av restavfall og sirkulærøkonomi. Forskrifta skal bidra til å fremje kommunen sine mål, strategiar og tiltak for betre klima og miljø, og samtidig sikre renovasjon som samfunnskritisk infrastruktur.

Forskrifta skal hindre ulovleg innsamling av hushaldsavfall. Forslag til forskrift er utarbeidd i dialog med BIR, og BIR si vurdering er at Bergen kommune sin forskrift med nokre mindre justeringar også kan nyttast av dei andre eigarkommunane.

Bergen kommune si forskrift <https://lovdata.no/dokument/LF/forskrift/2021-05-20-1719>.

BIR tilrår ut frå rettleiings- og sakshandsamingsomsyn at forskriftene i omegnskommunane vert så like som råd og at vidare at dei er mest mogleg lik forskrifta for Bergen kommune. BIR har nokre konkrete forslag til justeringar som bør innarbeidast for eigarkommunane utanom Bergen. Dette gjeld:

§ 2-2 der BIR får mynde til å krevja inn gebyr på vegne av kommunen, noko som er ei vidareføring av gjeldande praksis

§ 3-1 Handtering av hushaldningsavfall, tredje ledd, der BIR tilrår ei formulering som ivartek framtidige behov for endringar som følgje av nye sentrale krav eller kommunale ønske eller målsetjingar

§ 5-4 Overtredingsgebyr der BIR får mynde til innkreving av Overtredingsgebyr på vegne av kommunen til liks med mynde til å illeggja tvangsmulkt. BIR tilrår at begge desse bør delegerast, då dette gir den beste sakshandsamingsprosessen med kort avstand mellom saksbehandling og det operative og kontrollerande leddet.

§ 7.1 Ikrafttreding. Ny forskrift vert sett i kraft etter vedtak i kommunestyret og offentleg kunngjering.

BIR har lagt opp til ein prosess der kommunane legg forslaget ut til høyring i haust. Etter høyringa vert saka lagt fram til politisk handsaming og vedtak av ny forskrift. Ved kunngjering vil ny forskrift tre i kraft. Reglane for utarbeiding av forskrifter går fram av forvaltningslova kap. VII. Før ei forskrift vert endeleg vedteken skal dei den vedkjem ha høve til å uttala seg. Kommunen avgjer korleis høyringa skal skje. Uttale skal gis skriftleg. Forslag til ny forskrift er lagt ut til høyring i perioden 27.10.21 - 01.12.21. Endeleg behandling i kommunestyret vert 14. desember 2021. Det har ikkje kome inn merknadar i høyringa.

Formelt grunnlag

Vurdering og konsekvensar

Kommunedirektøren sluttar seg til BIR sine vurderingar av behovet for mest mogeleg like forskrifter i eigarkommunane.

Ny forskrift vidarefører for ein stor del gjeldande forskrift, men inneheld nødvendige oppdateringar og endringar som følgje av nye lovkrav til avfallshandtering, og er tilpassa eigne målsetjingar i kommunane m.a. knytt avfallsreduksjon og materialgjenvinning.

Kommunedirektøren tilrår at ny forskrift vert vedteken.